

Kantonalna javna ustanova «Porodično savjetovalište», sa sjedištem u Sarajevu, ulica Avdage Šahinagića broj 14/2, koju zastupa direktor Senad Alić, prof. (u daljem tekstu: Ugovarač osiguranja) i

„BOSNA SUNCE OSIGURANJE“ d.d., Podružnica Sarajevo, Trg Međunarodnog prijateljstva broj 20 (u daljem tekstu: Osiguravač), koga zastupa direktor Alen Hujić, zaključili su u Sarajevu dana 29.12.2016. godine

## **U G O V O R**

### **o osiguranju osoba-zaposlenika i pripravnika u KJU „Porodično savjetovalište“**

#### Član 1.

Predmet ovog ugovora je kolektivno osiguranje osoba od posljedica nesretnog slučaja koji su zaposleni kod Ugovarača osiguranja.

#### Član 2.

**Kolektivno osiguranje osoba**, u smislu člana 1. Ugovora, podrazumijeva obavezu Osiguravača da u slučaju nastupanja osiguranog slučaja isplati osiguranu sumu njenom korisniku, u skladu sa Ponudom od 27.12.2016. godine, i to kako slijedi:

- za slučaj smrti usljed bolesti, osiguranu sumu u iznosu od 6.000,00 KM;
- za slučaj smrti usljed nezgode, osiguranu sumu u iznosu od 50.000,00 KM;
- za slučaj trajnog invaliditeta, osiguranu sumu u iznosu od 100.000,00 KM.

#### Član 3.

Obaveza Osiguravača vrijedi za nesretne slučajeve iz člana 2. Ugovora koji nastanu kako za vrijeme rada tako i u slobodno vrijeme, tokom 24 sata, u okviru perioda na koji se zaključuje ovaj ugovor.

#### Član 4.

Ugovarač osiguranja se obavezuje da, za kolektivno osiguranje osoba, Osiguravaču plaća mjesečno premiju osiguranja u iznosu od 6,00 KM po svakoj osobi.

Sastavni dio ovog ugovora je spisak sa brojem i imenima trenutno zaposlenih osoba kod Ugovarača osiguranja (ukupno 25 osiguranika).

Osiguravač se obavezuje da izradi police osiguranja kao i fakturu kako slijedi prema **trenutnom** broju osiguranika i to:

- za 21 uposlenika za period 01.01.-31.12.2017. godine
- za 4 pripravnika za period 01.01.-31.05.2017. godine.

#### Član 5.

Procijenjena vrijednost Ugovora koja je utvrđena na bazi mogućeg broja osiguranika u 2017. godini iznosi 1.800,00 KM.

Budući da su očekivane promjene u broju osiguranika, Ugovarač osiguranja se obavezuje da će o istim pisanim putem obavijestiti Osiguravača.

#### Član 6.

Osiguravač se obavezuje ispostaviti police osiguranja za svaki vid osiguranja iz člana 2. ovog ugovora.

#### Član 7.

Kada se dogodi osigurani slučaj, Osiguravač je dužan:

- isplatiti osiguranu sumu za slučaj smrti, ukoliko je usljed nesretnog slučaja nastupila smrt osiguranika,
- kod nastanka invaliditeta, isplatiti postotak od osigurane sume koji odgovara postotku trajnog invaliditeta do 100%;
- isplatiti 50% osigurane sume za slučaj smrti usljed bolesti ukoliko smrt osiguranika nastupi tokom prvih šest mjeseci trajanja osiguranja odnosno od pristupa u osiguranje novog člana;
- isplatiti cijelu osiguranu sumu za slučaj smrti usljed bolesti ukoliko smrt osiguranika nastupi poslije šest mjeseci od početka osiguranja, odnosno od njegovog pristupa u osiguranje.

Član 8.  
Osiguravač se obavezuje isplatiti osiguranu sumu u roku od 14 dana od dana kompletiranja dokumentacije potrebne za utvrđivanje osnovanosti i visine odštetnih zahtjeva (predočeni dokaz, ovjera ovlaštenog ljekara-cenzora i sl).

Član 9.  
Ugovor se zaključuje za period 01.01.-31.12.2017. godine.

Član 10.  
U slučaju spora po ovom ugovoru ugovorne strane će isti pokušati riješiti u duhu međusobne tolerancije i razumijevanja, u protivnom spor će riješiti sudskim putem.  
Za slučaj sudskog spora nadležan je sud u Sarajevu.

Član 11.  
Ugovor se zaključuje u četiri istovjetna primjerka od kojih svaka ugovorna strana zadržava po dva primjerka.

**OSIGURAVAČ**  
**„Bosna Sunce Osiguranje“ d.d.**  
**podružnica Sarajevo**



**UGOVARAČ OSIGURANJA**  
**KJU „Porodično savjetovalište“**

direktor  
**Senad Alić, prof.**